



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.28. Stephani Papæ obitus. Paulus Papa.

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII.
A. C. 757.

successit Politianus, sedemque illam annis quadraginta sex tenuit.

§. XXVIII.

*Stephani Papæ obitus. Paulus
Papa.*

Anast.

Stephanus Papa S. Sedem non ultra annos quinque, & dies viginti octo tenuit. Sæpe Clericos in Palatio Lateranensi congregatos exhortabatur, ut Sacræ Scripturæ & librorum spiritualium lectioni strenue incumberent, unde sophismata hostium Ecclesiæ solide refutarent. Mense Martio ordinavit Presbyteros undecim, & Diaconos duos, per diversa autem loca Episcopos viginti. Tandem fatis functus vigesima sexta Aprilis, Indictione decima, anno 757. sepultus est ad S. Petrum. Vigesima sexta Febr. ejusdem anni Stephanus Papa Fulrado Abbati S. Dionysii concesserat Privilegium habendi Episcopum proprium, quem Abbas & Monachi eligerent, & Episcopi illius Provinciæ consecrarent, ut illi Monasterio aliisque a Fulrado fundatis præesset; quippe omnia illa Monasteria sub singulari Sacræ Sedis præsidio existebant.

*to. 4. Act.
SS. Ben.
p. 336.*

Stephano Papa jam cum morte luctante divisus est populus Romanus, quibusdam Theophylacto Archidiacono faventi-

ventibus, & in ejus domo conventum Sæcul. VIII.
 agentibus, aliis Paulum Diaconum Ste- A. C. 757.
 phani germanum in Papam designanti-
 bus, qui majorem Magistratus Populique
 partem constituebant. Paulus e Pala-
 tio Lateranensi pedem non extulit, Pa-
 pæ & Fratri suo ægrotanti ministrans;
 at Stephano in tumultum illato, illis, qui
 Theophylactum Pontificem optaverant,
 nihil moventibus, postquam Sedes va-
 casset mensem unum, Paulus 22. Maji
 anno 757. ordinatur, qui annos decem &
 mensem unum sedit.

Is ab unguiculis sedente Papa Grego-
 rio III. cum Stephano Fratre suo in Pa-
 latium Lateranense missus est, ut Disci-
 plinam Ecclesiasticam edoceretur; am-
 bos deinde Zacharias Papa Diaconos or-
 dinavit. Erat Paulo mitissima indoles,
 magnaue in proximum charitas; & si
 quemquam alterius forte malitia vel le-
 vissime offendisset, illico nihil omitte-
 bat, quo afflicto solatium afferret. Ali-
 qui testatum fecerunt, quod noctu cum
 aliquot servulis ad domos pauperum
 præcipue ægrotorum, qui de lecto sur-
 gere non valebant, se conferre soleret,
 iisdem alimenta aliaque necessaria abun-
 de suppeditans. Item per nocturnas te-
 nebras ad carceres pergebat, reos, qui
 de vita periclitabantur, liberabat, alios
 æris alieni causa detentos, solutis ex suo

Sæcul. VIII.
A. C. 757.

debitis, dimittebat. Viduas, Orphanos omnesque, quacunque necessitate premerentur, adjuvabat.

Quamprimum Paulus Papa fuisset electus, & priusquam ordinaretur, datis ad Regem Pipinum litteris eum de morte Stephani Papæ Fratris sui & de sua Electione certiore fecit, eandem, ac defunctus coluerat, amicitiam & fidelitatem usque ad sanguinem non solum suo, sed etiam Populi Romani nomine promittens, & postulans, ut in futurum quoque Ecclesiam Romanam tueri dignaretur. Cum sub idem tempus Immon Pipini Legatus Romam pervenisset, visum est Papæ & Magistratibus, eum usque ad peractam Consecrationem suam retinere, ut ad Regem deinde reversus testatum facere posset, quantum Roma & Regem & Francos amaret.

§. XXIX.

Concilium Compendiense.

to. 6. p. 1694. Sub idem tempus Rex Pipinus Compendii celebrabat universalem Nationis Conventum, qui Conciliis, sicut alii Conventus illorum temporum, accensetur, quia simul cum Optimatibus intererant Episcopi. Huic Conventui intererant etiam Legati a Stephano Papa in Franciam missi, nimirum Georgius Episcopus & Joannes Sacellarius, quorum consensus